

續修陝西省通志稿

第一百零二冊

卷一百九十五至一百九十六

續修陝西通志稿卷一百九十五

風俗

方志風俗之紀曷昉乎蓋昉於前漢書地理志而其實自史公貨殖傳開之也班志之述秦地風俗兼今陝西甘肅且北暨北狄南暨西南夷靡不兼綜條貫直擴雍部範圍於無外然務本業習農功厚重不遷純樸易化自上郡三輔以底巴蜀其風尙從古迄今未之有改於是二南王豳之詩即陝右風俗之所由表見者也周禮大行人辨邦國事故及萬民利害各爲一書即陝右風俗之所由區別者也若春秋公羊家言謂井田之義在同風俗歸極於求詩民間鄉移於邑邑移於國國以聞於天子是故王者不出牖戶而知天下所苦不下堂階而知四方是又博稽一鄉一國之風俗而綜錄諸太史將以燭利病識情僞今日各行省風俗之見於通

志猶其遺意也嘗謂陝俗有三大善各郡邑圖經多畧而弗書有
如父母三年喪考諸禮經本三十六月漢文以日易月之詔顯然
可徵其二十五月之說出荀卿子二十七月之說出鄭康成氏禮
喪服經無其制也世衰道微古禮盡湮陝獨墨守民間親喪竟無
不終三年服者乃邑志固闕焉不詳採訪冊更多從畧即前通志
於此亦無殊特之表章其未叶一也夏小正月令皆志入學期崔
實四民月令於春秋冬三時必謹書成童暨學童就學之規

見玉燭寶

典蛾子時術關係綦宏關中以理學爲宗童幼入學下學期用正

臘月二十日前後爲斷深得朱子儀禮經傳通解學制之意顧陝
屬郡縣諸志於風俗旣鮮舉釋菜之禮於歲序復不詳入黌之期
遂使修學通習漫無可稽其未叶二也日中爲市昔有成規秦中
城鄉村鎮多有集場而春秋報賽累月經旬農商輻輳亦三秦市

政之權輿也顧方志尠所稱述間舉集場集期究之商業贏絀農器良楛并所謂民之所好惡志淫好辟者都付闕如其未叶三也今輯風俗兼採鄂志例於總述風俗而外列禮儀時令賽會宗教四門舉未叶之三者加意蒐討畧者詳之闕者補之違者正之至雍州一部始則有花門異種之留遺繼則有海西天主之傳衍教與政歧爲治亂之所階梯盛衰之所倚伏而數千年成周民俗殆幾經革除更變至於今日而僅有千鈞一髮之存馬班之醇習堪稽經傳之大猷斯在記有之修其教不易其俗齊其政不易其宜是所望於後來采風問俗之君子矣

風俗一

西安府

文王作豐武王治鎬故其民猶有先王之遺風好稼穡植五穀地

重重爲邪及漢都長安四方輻輳地小人衆故其民益玩巧而事

末史記貨殖傳五方雜厝風俗不純漢書地理志雍州之地厥田上上鄠杜

之饒號稱陸海漢初高帝納婁敬說而都焉又徙齊諸田楚昭屈

景燕趙韓魏之後及豪族名家於關中強本弱末以制天下自是

每因諸帝山陵則遷戶立縣率以爲常故五方錯雜風俗不一漢

朝京輔稱爲難理帝都所在是曰浩穰通典俗尙氣概先勇力朱子詩傳

雍州土厚水深其民厚重質直無驕惰浮靡之習以善導之則易

以興起而篤於仁義朱子集秦人慕經學重處士持清議實他邦所

少顧亭林文集民質厚重五方雜處陝志輯要

孝義廳

風俗謹厚儉樸較沃土之民爲勝至境內煙戶土著者十之一楚

皖吳三省人十之五江晉豫蜀桂五省人十之三幽冀齊魯浙閩

秦涼滇黔各省人十之一性情各異俗遂不同土人日用之費賦稅之資惟恃秋收而又山路崎嶇艱於糴運故年豐則食有餘而用不足歲歉則用有餘而食不足鄉野之人恆以出外背脚傭工爲生紳糧大戶則多躬耕貿易故讀書者寥寥婦女亦多助耕不事紡績詞訟先憑鄉約質理而後鳴官疾病率請巫覡祈禳最可取者商旅負重入山無虞失站沿途皆可投宿雖無盤川亦供飲食婚喪禮儀頗簡士習急於耕而緩於學農分二等富者僱工督作貧者抽壯丁而同力爲之商以土物販運本利俱微工雖拙鈍而堅樸可用孝義志地瘠民貧游惰最少出作入息男女不休勤勞較他郡爲甚物力艱絀衣則土布器則陶瓦飲食重本地之產雖洋芋包穀不厭酬酢往來視其情之所稱競奢鬪華則未之有憲政

調查報告書之秦疆治略云孝義廳本孝義川地乾隆末始建廳治幽谷窮簷之民耳不聞教化故招夫養夫恬不爲非也目不睹

新陝西通志卷一百六十三
三
不典有型以防謀殺之則殺慙不畏心死也不作雖有以震動之則廉恥之志不與
對奉門牌各文山愚目印簿按丁月既交換戶仍令各克紙木箱廠將工匠保甲等
學照式填註隨資以抽齊火加游以民獎勵所容留奸匪藉以斂跡並設義
延請名師資以齊火加游以民獎勵所容留奸匪藉以斂跡並設義

寧陝廳

民性豁達而嗇勤儉樸實好善不競

寧陝採訪冊

廳疆遼闊地土亦廣

其未經開墾地以手指脚踏為界往往有數兩契價買地至數里
十數里者開荒之費謂之苦工壓租之資謂之頂手苦工頂手之
價重土地之價輕所以川楚各省民人源源而來有貲本者買地
典地廣闢山場無資本者佃地租地耕作自給山中賦稅不多種
植亦易所以本省視為荒山外省轉視為樂土近則膏腴盡闢高
山老林尚存手指脚踏之風而寸土尺地皆有主名田地買賣價
昂鄰縣所謂苦工者已無之北區一帶尚存頂手錢之名其他則

改曰扯手錢矣其日用常食以包穀爲主老林中雜以洋芋苦蕎
低山亦種豆麥高粱至稻田惟近溪靠水築堰阡陌不過山地中
十分之一楚民善開水田所慮者臨河之田間被水沖蜀民善開
山地所慮者山水陡發沖去皮土僅餘石山五方雜處俗各不同
然遇道路饑寒之人及鄉鄰喪葬無力之家多有量力周助者詞
訟多買賣婦女及錢債等件亦有先憑鄉保理論而後鳴官者冠
婚喪祭多從簡易士習聞見頗隘自建太乙書院後欣欣然各事
詩書農分二等與孝義同板屋布衣勤苦力作商貨皆山民自行
販賣至行鹽販木及開張綢緞皮貨皆晉人爲之蓋深山農民家
無長物故也

寧陝廳志
參探訪冊

地方凋敝勤勞者多春夏之時男女耕耨

收穫後男則築隄修堰女或緣山採薪不事女紅近則風氣漸開
間學紡棉刺繡游惰尙少鄉居士牆茅屋食惟洋芋包穀雜糧次

之錦衣狐裘百不一見儉樸雖由習俗亦緣財力匱乏設席延賓

不過鷄肉數事無用海菜者奢侈之弊可無慮矣憲政調查報告

云廳內不許入牌廠工匠甚多亦宜嚴行保甲隨時抽查有游手無業之人

勤少力作工苦者居多仿年豐歲稔尚可支持若遇荒年倍形竭蹶宜

食無力農民不致乏庶幾有備無患

耀州

其俗民人專務稼穡陝志輯要惟不織紡不習商賈人以故貧然亦能

蓄積節用西北山谷中人質木故禮文闕畧東南與城市中則日

趨浮靡然日益機變多事矣以市無遊商故倡優不聚又浮食者

少故盜竊亦鮮惟婚喪多儉不中禮婚姻論門第不論富勢宴會

不務多品率以醉飽闊畧自快里中子弟浮薄者常羞避長老畏

憚之其質厚類如此士自明季兵燹後不得肆志攻書故清代成

進士者僅一見而鄉薦亦寥寥十數人近頗種木棉事織紡工商

視前較多要亦地狹人稠營錙銖為生活計地乏娼優戶少醫訟

黨塾尚有老成鄉曲無大豪惡懷法守正惜節矜名耀州志男耕女

織早作夜息風氣習慣無發達思男女嚴寒棉衣僅一襖一褲小

康始食麪調鹽餘則蔬菜雜糧充饑為幸山民穴居數十里或不

觀一村慶弔往來亦極樸陋憲政調查報告書歌通州蠶顧會城火華

分樹夜嘯侶各拚將十戶中人來去紛如買春簫鼓照此宵曼藥王逐隊百魚戲場

竿禮佛還香山城一斜曳長繩欲笑它腦正滿是踏青寒食節健兒下素山試雙

斜秋逐千亂雲飛彌望三月初三肥盡禱天相攜家上嬌塚女歸立門綴清劉明禎郊外景都紙無旗

姑忌三丫俠髻拜盤頭正待兒女年語北啁樓時上夜聞稔鐘自瓜豐果堆霜盤後冰夕中逢娶齊向纔黃

地爭偏看東紅裙騎黑衛痔居舊親稼御稿細君難來七函館斯依木棉九穀中茲當左腋

自布操紛刈來盡斜引水為槽惜無嘔九烈響君一傳語燈為火染五槐黃舉采子袍盈一稽金手

十斛中煙禁弛野風開遍計米囊差開

長安縣

其俗士尙氣節人多醇樸陝志市交不欺商賈萃集城市衣履大

半布素屋宇質陋器惟瓦甕後進事先達以長者禮坐語皆巽讓

不敢先學校稱呼率皆以字不以號冠婚喪祭悉遵會典家禮邇

年以來士大夫講明理學烈婦孝子接踵而出長安縣志土厚水深薄

收廣種務農者十居七八間有於農隙以小貿營生者地雖宜棉

紡織者少儉樸可風即仕宦家一切只取適宜毫無奢華之習長安

縣志參憲政調查報告書鄉秦尙勤儉治略云人多醇樸士尙氣節城

內志參憲政調查報告書鄉秦尙勤儉治略云人多醇樸士尙氣節城

咸甯縣

民俗性剛語直遵守法令陝志薦紳鮮干謁無侈田廣宅士多兼

農遠遊者鮮農勤工作百工不尚技巧惟商賈多事奢侈外似富而內無深藏通衢所經輪蹄輻輳土宜五穀民氣淳樸勤耕種無華麗之習入山以南土宜芋粟多客民開墾無定著俗浸龐雜其北鄉當渭水濱土地平衍俗尚節儉東北諸社土宜藍沙舊有回民設條教立義塾自亂後地歸漢民種植風尚一變咸甯縣志及調查冊民

多業農男耕女織終歲勤動農隙或奔馳負販博蠅頭利交際酬酢及嫁娶奩贈盡禮而止無奢侈風憲政調查報告書秦疆本

業力學攻苦故科甲聯翩農皆力田百工不尚技巧近來漸浮慕習氣兼之北鄉與高陵接壤頗好鬪狠宜嚴行保甲勸諭化導庶可反樸還淳屬按省城內五方雜處土著數城外咸樸則人尙禮讓商賈大半多屬外省貨物舶來品最占多則城俗咸樸則人尙禮兩面近高山大原一至所帶其土人尙氣剛語直誠如干府志所云入平徵稅與長安風俗略同

易完則至今猶然云

咸陽縣

其俗守法令甘辛苦

陝志輯要

其土習敦本惜名率兼耕讀不事文飾

恥言干謁即宦成之後亦節儉如常人農則力勤稼穡貧民輓耕

趨澤婦女多知績紉工亦不作淫巧架屋造器具皆牘樸商惟花

布米粟及釜甑鑿鋤等物土著之民自行販賣至行鹽販木及開

張綢緞皮貨多屬外省遠氓

咸陽縣志

三時胼胝無分兩夜冬藏少

休婦女則四時皆勤紡織蓋自賭博嚴禁游惰絕無城中男勤市

業女務鍼工與鄉間同織布而衣食皆地產婚葬元旦始備珍錯

屋宇樸陋富家無多

憲政調查報告

秦疆治略

云煙戶無多

案牘亦簡民守法令甘辛苦安儉素士知學

問罕事商賈衣冠
文物儼有古風

興平縣

習俗樸直負氣

陝志輯要

民多質直風尚淳樸素稱易治地處平原無

山林無水利祇以耕耨營生縣城以南地卑水淺多有鑿井灌田

者夏秋所獲自較旱田頗勝然必糞多而加灌漑之勤乃能有獲
縣北皆在高原水深不能汲灌惟賴雨水雖地廣人稀而土厚耐
旱所以鄉間俗語有高原低窪十年均收之說人民習於耕種終
歲勞苦縣西南區三十村水地居多秋夏收穫勤勞尤甚婦女相
助田作紡織較北區稍遜城內中區三十七堡飲食服御及投報
禮文間有稍奢者餘皆儉樸猶存古道

樸素則節義可鼓須化其剛勁之風被以禮樂之教

憲治略云民多質直風尚淳樸

臨潼縣

風俗性剛尚氣

陝志輯要

昔時在周畿內好稼穡務本業有先王之遺

風雖稍變於秦頗好詐力然其質直簡重之性未之有改婚喪多
就會典酌行平居嗜利輕義尺布斗粟輒興雀角一聞公家之令

爭趨恐後雖重困未敢少違

臨潼縣志

土民尚勤游惰者少孟仲夏謂

之忙月塾童紅女無不赴地田作平時亦各操業游手僅十之一
二男女衣服皆用土布非士人不著長衣酬酢尤簡享客之饌不
過四器南嶺之民多穿地窖婦女率乘牛車非富家無養轎車者

憲政調查
報告書

高陵縣

俗尙儉樸咸事耕織

陝志
輯要

地本神臯舊區又久沐浴厚澤士習惻

惻無華帶經而鋤廉隅砥礪不入公門間有健訟者羣不齒之農
習勤務本早作晏息課稅早完產畔不爭工器不苦窳商業無茶
鹽女重節孝知廉恥雖終窶且貧織耕兼操不裙不出里門喪具
稱家祭祀以時婚姻論門第不言貨財宴客陶器簋不逾四男不
出贅女不鬻媵獨者不畜義兒婦女不遊觀賽會不持齋焚香少
年子弟無聲色狗馬之好無撈捕麴蘖之嗜路遇尊長若朋友必

下馬拱候蓋浸浸乎有文武之風焉遭亂以來務本者逐末崇儉者趨靡習勤者偷惰謹飭者放蕩視廿年前有大異不同者他如城鄉有華樸之分南北有文質之異而歲時伏臘交際往來儀節均無大懸殊土風迄今相沿不改

高陵縣新志

邑本高原寡名山水文人無閒適性情如所謂園亭別墅者士女亦無遊觀之習間有惡少年不習四民業者冠覆於額開襟散帶且嗜洋煙人皆薄其行焉道咸之間風尙近古甲子亂後富家多中落而貧子崛起涇原多豪富遂競其力以相夸耀故儉德稍衰然富者僅居二三商家稍豐農人仍嗇有市錢數竿足供一年羊裘一領二三十年不易者

憲政調查報告書

報

鄠縣

民淳俗儉

陝西通志輯要

閭閻多忠厚長者人盡力於田畝無遊蕩之習地

新陝西通志卷一百九十三
土雖不寬廣然多沃壤除五穀外其地最宜薑芋紅薯又有丈八溝漢陂禹泉太平泉之水灌溉稻田數百頃以故倉廩充實講讓興仁縉紳多自愛者竿牘不出士守臥碑絕跡公庭民則急公尚義賦不鞭笞而早輸役則招呼而即赴猶有子來之遺意焉鄠縣志
男耕女織各自謀生車服尚青屋器飲食及酬酢往來一切主簡

憲政調查
報告書

藍田縣

其俗士風樸茂民尚力田

陝志輯要

東西北三鄉地本平原民皆易治

惟南鄉一帶均係崇山峻嶺溝岔紛歧與孝義商州鎮安雒南在毗連犬牙相錯且有遠至二百里以外者江楚客民殆居大半南山一帶老林俱已開盡士風樸茂雖甚貧窮皆負薪好學入官則清忠見表即掾吏亦矯矯有聲百姓亦知崇尚孝弟終歲力田